

এসএসসির ফরম পূরণের সময় বাড়ল

নিজস্ব প্রতিবেদক



ফাইল ছবি

২০২৪ সালের এসএসসি পরীক্ষার ফরম পূরণের সময়সীমা বাড়িয়েছে মাধ্যমিক ও উচ্চ মাধ্যমিক শিক্ষা বোর্ড, ঢাকা। বিলম্ব ফি ছাড়া অনলাইনে পরীক্ষার ফরম পূরণের (ইএফএফ) সময়সীমা কাল বুধবার পর্যন্ত বাড়ানো হয়েছে। ফি জমা দেওয়া যাবে আগামী বৃহস্পতিবার পর্যন্ত।

আজ মঙ্গলবার মাধ্যমিক ও উচ্চ মাধ্যমিক শিক্ষা বোর্ড, ঢাকার পরীক্ষা নিয়ন্ত্রক অধ্যাপক মো. আবুল বাশারের সই করা এক বিজ্ঞপ্তিতে এ তথ্য জানানো হয়।

এর আগে গত ১৫ অক্টোবর ২০২৪ সালের এসএসসির ফরম পূরণের বিজ্ঞপ্তি প্রকাশ করা

হয়। আগের নির্দেশনা অনুযায়ী বিলম্ব ফি ছাড়া
অনলাইনে ফরম পূরণের সময়সীমা ৭ নভেম্বর
পর্যন্ত নির্ধারণ করা হয়েছিল। ফি জমাদানের
সময়সীমা ছিল ৮ নভেম্বর। এ বছর বিজ্ঞান
বিভাগের শিক্ষার্থীদের জন্য ফি নির্ধারণ করা
হয়েছে দুই হাজার ১৪০ টাকা।

ব্যবসায় শিক্ষা বিভাগ ও মানবিক বিভাগের
নিয়মিত শিক্ষার্থীদের ফি নির্ধারণ করা হয়েছে দুই
হাজার ২০ টাকা।